

**"ТАСДИҚЛАНГАН"**  
**"Ҳудудий электр тармоқлари" АЖ**  
**барча овоз берувчи оддий акциялари**  
**Ягона акциядорининг**  
**2023 йил 11 августдаги**  
**13/11-5-сонли қарори билан**

**"ҲУДУДИЙ ЭЛЕКТР ТАРМОҚЛАРИ" АКЦИЯДОРЛИК**  
**ЖАМИЯТИНИНГ АКЦИЯДОРЛАР УМУМИЙ ЙИҒИЛИШИ**  
**ТЎҒРИСИДАГИ НИЗОМИ**

**Тошкент – 2023й.**

## **МУНДАРИЖА**

I. УМУМИЙ ҚОИДАЛАР .....	4
II. АКЦИЯДОРЛАРНИНГ УМУМИЙ ВАКОЛАТЛАРИ.....	4
III. АКЦИЯДОРЛАРНИНГ УМУМИЙ ЙИҒИЛИШИ КЎРИБ ЧИҚИШИ УЧУН МАЪЛУМОТЛАРНИ ТАЙЁРЛАШ.....	5
IV. АКЦИЯДОРЛАРНИНГ УМУМИЙ ЙИҒИЛИШИГА МАСАЛАЛАРНИ (САВОЛЛАРНИ) КИРИТИШ.....	7
V. ЯКУНИЙ ҚОИДАЛАР	8

## **I. УМУМИЙ ҚОИДАЛАР**

1. Ушбу Низом “Худудий электр тармоқлари” акциядорлик жамияти акциядорларининг умумий йиғилишининг мақомини ва унинг қарор қабул қилиш тартибини белгилайди.

2. Ушбу Низом Ўзбекистон Республикасининг “Акциядорлик жамиятлари ва акциядорларнинг ҳуқуқларини ҳимоя қилиш тўғрисида”ги Қонуни, “Худудий электр тармоқлари” АЖнинг (Кейинги ўринларда - Жамият) Устави ва Акциядорлик жамиятларининг самарадорлигини ошириш ва корпоратив бошқарув тизимини такомиллаштириш бўйича Комиссиянинг 2015 йил 31 декабрдаги 9-сон мажлиси баённомаси билан тасдиқланган Корпоратив бошқарув Кодексига мувофиқ ишлаб чиқилган.

3. Акциядорларнинг умумий йиғилиши жамиятнинг юқори бошқарув органидир.

Жамият ҳар йили акциядорларнинг умумий йиғилишини (акциядорларнинг йиллик умумий йиғилишини) ўтказиши шарт.

4. Жамият ҳар йили молиявий йил якунлангандан сўнг олти ойдан кечиктирмай йил якунини кўриб чиқишга мажбурдир.

5. Йил якуни бўйича акциядорларнинг умумий йиғилиши томонидан Жамиятнинг Кузатув кенгаши сайлаш, ижроия органи раҳбари ва аъзоларини сайлаш, қайта сайлаш, уларнинг ваколати муддатини узайтириш ёки улар билан тузилган шартномани бекор қилиш ҳамда жамият томонидан олинган соф фойдани тақсимлаш масалалари, шунингдек жамиятининг йилик ҳисоботи, ижро органининг жамиятни ривожлантириш стратегиясига эришиш бўйича кўрилган чора-тадбирлар тўғрисидаги ҳисоботлари ва бошқа ҳужжатлар кўриб чиқилади.

6. Акциядорларнинг умумий йиғилиши томонидан амалдаги қонунчиликка мувофиқ умумий йиғилиш ваколатига қирадиган бошқа қарорлар ҳам қабул қилинади.

7. Тегишли қарорларни қабул қилиш учун акциядорларнинг умумий йиғилишига масалалар киритиш тартиби ва санаси, акциядорлар умумий йиғилишга тайёргарлик кўриш учун тақдим этиладиган маълумотлар (материаллар) рўйхати жамият Кузатув кенгаши томонидан белгиланади.

## **II. АКЦИЯДОРЛАРНИНГ УМУМИЙ ЙИҒИЛИШИ ВАКОЛАТЛАРИ**

8. Акциядорларнинг умумий йиғилиши ваколатига қуйидагилар қиради:  
жамият уставига ўзгартиришлар ва қўшимчалар киритиш ёки жамият уставини янги тахирда тасдиқлаш;

жамиятни қайта ташкил этиш;

жамиятни тугатиш, тугатувчини тайинлаш (тугатиш комиссияси) ва оралик ва якуний тугатиш балансларини иасдиқлаш;

жамият Кузатув кенгаши таркибидаги аъзолар сонини аниқлаш, уларни сайлаш ва ваколатларини муддатидан олдин тугатиш;

эълон қилинган акцияларнинг энг юқори ҳажмини аниқлаш;  
жамиятнинг устав фондини (устав капиталини) камайтириш;  
ўз акцияларини қайтариб сотиб олиш;  
жамиятнинг ташкилий тузилмасини тасдиқлаш;  
жамият ижро этувчи органи фаолияти тартибини белгилайдиган низомни тасдиқлаш;

Корпоратив бошқарув кодексининг тавсияларини бажариш бўйича мажбуриятни қабул қилиш тўғрисида қарор қабул қилиш ва хабар шаклини тасдиқлаш;

жамият бошқарув органлари тўғрисидаги ва шунингдек ички назорат тўғрисидаги, дивиденд сиёсати тўғрисидаги, манфаатлар қарама-қаршилиги (тўқнашуви) юзага келганда ҳаракат қилиш тартиби тўғрисидаги низомларни тасдиқлаш;

мажбурий аудиторлик текширувни ўтказиш учун аудиторлик ташкилотини аниқлаш ва унинг ҳизматлари учун энг юқори тўлов миқдорини белгилаш;

мустақил профессионал ташкилотлар-консултантларни жалб қилган ҳолда бизнес-жараёнлар ва лойиҳаларнинг жамиятнинг ривожлантириш мақсадларига мувофиқлигини таҳлил қилиш бўйича ҳар йили қарор қабул қилиш;

Жамият фаолиятнинг асосий йўналишлари ва мақсадларидан келиб чиқиб, унинг йиллик ҳисоботини ва аниқ муддатлари белгиланган ўрта ва узок муддатли ривожланиш стратегиясини тасдиқлаш;

Жамият фойдаси ва зарарини тақсимлаш;

хайрия (ҳомийлик) ёки беғараз ёрдам кўрсатиш (олиш) тартиби, шартларини белгилаш, уларни амалга ошириш тўғрисида қарорлар қабул қилиш;

электрон почта орқали овоз бериш (электрон рақамли имзо билан тасдиқлаган ҳолда), шунингдек ўз ваколатларини вакилга бериш ёки видео-конференц алоқа режимида умумий йиғилиш ўтказиш тартибини белгилаш (тасдиқлаш);

акциядорларнинг умумий йиғилишида ҳисобот бериб борадиган жамият раҳбарияти ва назорат органларининг ҳисоботининг шакли ва мазмуни бўйича талабларини белгилаш;

Кузатув кенгашиининг ўз ваколати доирасидаги масалалар бўйича ҳисобот ва ҳулосаларини эшитиш, шу жумладан жамиятни бошқариш бўйича қонунчилик талабларга риоя қилиниши бўйича ҳам;

акциядорлар умумий йиғилишининг регламентини тасдиқлаш;

акциялар жойлаштириш нархини (биржада ва қимматли қоғозларнинг биржадан ташқари бозорида жойлаштирилиши) белгилаш;

акцияларни йириклаштириш ва майдалаш;

мол-мулк баланс қиймати ёки сотиб олиш қиймати қарор қабул қилинган санага жамиятнинг соф активлари миқдорининг эллик фоиздан кўпроғини ташкил этадиган йирик битимни тузилиши тўғрисида қарор қабул қилиш;

аффилланган шахслар билан битимлар тузиш бўйича қонунчилик талабларига мувофиқ қарорлар қабул қилиш;

жамиятнинг жорий ҳўжалик фаолиятига оид битимларни белгилаш;  
дивидендларни тўлаш тўғрисида, дивиденд миқдори, уни тўлаш шакли ва ҳар бир турдаги акциялар учун тўлаш тартиби бўйича қарор қабул қилиш;

қонунчиликка ва жамият уставига мувофиқ бошқа масалалар бўйича ҳам қарор қабул қилиш.

9. Овозга қўйилган масала бўйича акциядорлар умумий йиғилишининг қарори, жамиятнинг овоз берувчи акциялари эгалари бўлган, йиғилишда иштирок этаётган акциядорларнинг қонунчиликда белгиланган кўпчилик овози билан қабул қилинади ва йиғилиш баённомалари ёзма шаклида тузилади.

10. Акциядорларнинг умумий йиғилиши ваколатига таалуқли масалалар жамиятнинг кузатув кенгаши ва ижро этувчи органига қарор қабул қилиш учун берилиши мумкин эмас.

11. Акциядорларнинг умумий йиғилиши қарор қабул қилаётган пайтда ички аудит хизмати ходимлари, аудиторлик текшируви ўтказган аудиторлик ташкилотининг вакили, Кузатув кенгаши ва ижро органи аъзолари иштирок этишга ҳақлидир.

12. Ижро этувчи орган аъзолари ва Кузатув кенгаши, шунингдек аудиторлик ташкилоти вакиллари ўз органларининг ҳисоботлари билан Акциядорларнинг умумий йиғилиши томонидан қарор қабул қилишда шахсан иштирок этиши шарт.

13. Кузатув кенгаши ва Бошқарув раиси лавозимига номзодлар Акциядорларнинг умумий йиғилиши уларнинг номзодини кўриб чиқаётганида қатнашишлари мумкин.

### **III. АКЦИЯДОРЛАРНИНГ УМУМИЙ ЙИВИЛИШИ КўРИБ ЧИҚИШИ УЧУН МАЪЛУМОТЛАРНИ ТАЙЁРЛАШ**

14. Акциядорларнинг умумий йиғилиши томонидан кўриб чиқиладиган маълумотларни (материалларни) сифатли тайёрлаш учун ижроия органи ва корпоратив маслаҳатчи (агар мавжуд бўлса) биргаликда қуйидагиларни амалга оширади:

акциядорларнинг умумий йиғилиши ёки жамият Кузатув кенгаши қарори билан танланган аудиторлик ташкилотлари билан аудиторлик текширувини ўтказиш, шу жумладан молиявий ҳисоботни Халқаро молиявий ҳисобот стандартларига мувофиқ тайёрланиши ва ташқи аудитни Халқаро аудиторлик стандартларига мувофиқ ўтказилиши бўйича, аудиторлик текширувини яқунлашнинг аниқ муддатларини кўрсатган ҳолда шартнома тузади;

Халқаро молиявий ҳисобот стандартларига мувофиқ ташқи аудит ўтказилгандан сўнг, йиллик умумий йиғилиш кунидан камида икки ҳафта олдин халқаро молиявий ҳисобот стандартларига мувофиқ тузилган йиллик молиявий ҳисоботни ошкор (элон) этилишини таъминлайди.

Шунингдек, йил якуни бўйича маълумотларни тайёрлаш жараёнида Ижро этувчи орган куйидагиларни ишлаб чиқади (тайёрлайди):

йиллик соф фойдани тақсимлаш бўйича лойиҳалар (зарарларни қоплаш) ҳар бир йўналиш учун асосларни илова қилган ҳолда;

жамият фаолиятининг асосий йўналишлари ва мақсадларидан келиб чиққан ҳолда жамиятнинг йиллик ҳисоботи, ўрта ва узоқ муддатли ривожланиш стратегиясининг лойиҳаларини;

Бизнес-режа параметрларининг бажарилиши ва жамиятнинг ривожлантириш стратегиясига эришиш бўйича кўрилган чора-тадбирлар тўғрисидаги ижро этувчи органининг ҳисоботини;

аудиторлик текширувини ўтказиш учун аудиторлик ташкилотини танлаш бўйича танлов ўтказишни ва бошқалар.

15. Ижро этувчи орган маълумотларни тайёрлагандан сўнг, уларни кузатув кегашига кўриб чиқиш учун тақдим этади.

16. Акциядорларнинг умумий йиғилиши учун материалларни тайёрлаш кузатув кенгаши томонидан амалга оширилади ва у куйидагиларни белгилайди:

акциядор томонидан кўриб чиқиладиган масалалар рўйхатини;

акциядорларнинг умумий йиғилишига тайёргарлик кўриш учун тақдим этиладиган маълумотлар (материаллар) рўйхатини.

17. Акциядорларнинг умумий йиғилишига кўриб чиқиш учун тақдим этиладиган маълумотларга (материалларга) жамиятнинг йиллик ҳисоботи, жамиятнинг йиллик молиявий хўжалик фаолияти якунлари бўйича аудиторлик ташкилоти ҳулосаси, жамиятнинг Кузатув кегашига аъзоларига номзодлар тўғрисидаги маълумотлар, жамият уставига ўзгартиришлар ва қўшимчалар ёки янги таҳрирдаги жамият уставининг лойиҳасини киритиш, шунингдек, жамиятнинг ўрта ва узоқ муддатли ривожланиш стратегияси ва кун тартибидаги бошқа зарур маълумотлар, шу жумладан умумий йиғилиш кун тартибидаги масла бўйича кузатув кегашинининг эгаллаган позицияси киради.

18. Акциядорларнинг умумий йиғилишига тақдим этилиши керак бўлган қўшимча маълумотларнинг (материалларнинг) рўйхати қимматли қоғозлар бозорини тартибга солиш бўйича ваколатли давлат органи томонидан белгиланиши мумкин.

19. Жамият акциядорларининг умумий йиғилишига молиявий йил тугаганидан кейин тўқсон кундан кечиктирмай жамиятнинг акциядорларнинг умумий йиғилиши кун тартибига таклифлар киритиши, шу жумладан фойдани тақсимлаш, бошқарув ва назорат органлари аъзолигига номзодлар бўйича таклифлар киритиши мумкин.

20. Акциядорлар умумий йиғилишининг кун тартибидаги масала уни келиб чиқиш сабаблари кўрсатилган ҳолда езма равишда киритилади.

21. Жамият кузатув кенгаши номзодларни кўрсатиш бўйича таклифлар киритишда номзоднинг номи, унга тегишли бўлган акциялар сони ва тури (агар номзод, жамиятнинг акциядори бўлса), кўрсатилади.

22. Жамият Кузатув кенгаши акциядорлардан келиб тушган таклифларни кўриб чиқиши ёки белгиланган кун тартибига киритилишидан бош тортиши тўғрисида қарор қабул қилиши шарт.

23. Акциядорлар Жамият Кузатув кенгаши таркибига улар томонидан кўрсатилган номзодлар рўйхатига ўзгартириш киритиши мумкин.

24. Жамият Кузатув кенгашининг акциядорлар томонидан кўриб чиқилиши учун киритилган масалани акциядорлар умумий йиғилиши кун тартибига киритиш асосли равишда рад этиш тўғрисидаги қарори ушбу қарор қабул қилинган кундан бошлаб уч иш кунидан кечиктирмай акциядорга юборилади.

25. Жамият Кузатув кенгашининг акциядорлар томонидан кўриб чиқилиши учун киритилган масалани рад этиш тўғрисидаги қарори устидан судга шикоят қилиниши мумкин.

#### **IV. АКЦИЯДОРЛАРНИНГ УМУМИЙ ЙИҒИЛИШИГА МАСАЛАЛАРНИ КИРИТИШ**

26. Акциядорларнинг умумий йиғилиши томонидан кўриб чиқилиши учун масалаларни киритиш Жамият кузатув кенгашининг қарорига биноан қуйидагилар асосида амалга оширилади:

ўзининг ташаббуси асосида;

Жамият овоз берувчи акцияларининг камида бир фоизига эгалик қилувчи акциядорларининг талаби асосида.

27. Кузатув кенгашининг ваколатларини муддатидан олдин тугатиш масалалари бўйича акциядорларнинг умумий йиғилиши томонидан қарор қабул қилиш сабаблари қуйидагилар бўлиши мумкин;

Ўзбекистон Республикаси қонунчилигига, жамият уставига, акциядорлар умумий йиғилишининг қарорларига риоя қилмаслик;

Жамиятга зарар етказиш ва акциядорларнинг мулкӣ ҳуқуқларига, шу жумладан молиявий-хўжалик фаолиятининг сезиларли даражада ёмонлашуви, жамият фойдаси ва рентабеллигининг пасайиши, бажарилаётган ишлар ва кўрсатилаётган хизматлар хажмининг асоссиз пасайиши билан боғлиқ бўлган зарарлар оқибатида;

Жамиятнинг иқтисодий ночорлиги (банкротлиги) пайдо бўлиши аломатлари ёки таҳдиди, давлат бюджети, бюджетдан ташқари жамғармалар олдида ва ишчиларга иш ҳақини тўлаш бўйича барқарор қарздорликнинг вужудга келиши.

28. Акциядорларнинг талабида кўриб чиқилиши керак бўлган масалалар, уларни киритиш сабаблари келтирилган ҳолда кўрсатилиши керак. Бунда Кузатув кенгаши аъзоларининг ваколатини тугатиш бўйича масалани кўриб чиқишда, кун тартибига Кузатув кенгашининг янги таркибини сайлаш масаласи ҳам киритилади.

29. Акциядорларнинг умумий йиғилиши томонидан масалани кўриб чиқиш тўғрисидаги талабнома, бундай масалани кўриб чиқишни талаб қилаётган шахс (шахслар) томонидан имзоланади.

30. Кузатув кенгашининг акциядорларнинг умумий йиғилиши томонидан кўриб чиқилган масалалар тўғрисидаги қарори ёки уни кўриб чиқишни рад этиш тўғрисидаги асосли қарор, уни қабул қилинган кундан бошлаб уч иш кунидан кечиктирмай, уни чақиришни талаб қиладиган шахсга юборилади.

31. Жамият Кузатув кенгашининг акциядорлар умумий йиғилиши томонидан кўриб чиқилишини рад этиш тўғрисидаги қарори устидан судга шикоят қилиниши мумкин.

#### **V. ЯКУНИЙ ҚОИДАЛАР**

32. Ушбу Низом талабларини бузганликда айбдор бўлган шахслар белгиланган тартибда жавобгар бўлиши мумкин.

33. Агар ушбу Низомнинг баъзи бир бандлари Ўзбекистон Республикасининг амалдаги қонунчилигига ва/ёки Жамият Уставига зид бўлса, ушбу моддалар ўз кучини юқотади ва ушбу моддалар билан тартибга солинадиган масалалар ушбу Низомга тегишли ўзгартиришлар киритилгунга қадар Ўзбекистон Республикасининг амалдаги қонунчилиги ва /ёки Жамият Уставидаги меъёрлар билан тартибга солинади.